

中國宗教歷史文獻集成編纂委員會編纂

黃山書社

三洞拾遺

中國宗教歷史文獻集成之二

三洞拾遺

中國宗教歷史文獻集成編纂委員會編纂

# 三洞拾遺

第三冊

黃山書社

图书在版编目(CIP)数据

中国宗教历史文献集成. 33, 三洞拾遗/周燮藩主编;王卡分卷主编. - 合肥:黄山书社, 2005. 10  
ISBN 7-80707-295-4

I. 中… II. ①周…②王… III. ①宗教-史籍-中国②道教-文献 IV. ①B929.2②B95

中国版本图书馆 CIP 数据核字(2005)第 117217 号

# 三洞拾遺第三冊目次

呂祖忠孝誥醒心經七卷  
呂祖乩壇降筆  
清乾隆三十年版

覺世正宗省心經十集  
呂祖乩壇降筆  
光緒五年重鐫

新頒中外普度皇經  
周靈慧註解  
民國二十九年鐫

普渡妙經註解  
袁了凡註解  
清光緒十七年鐫

九皇新經註解三卷  
傅金銓序  
清道光十三年重刊本

先天渾元玄玄秘錄救世真經四卷  
張慧真總纂  
民國十四年出版

太上洞陽真經  
呂祖降授  
民國九年印

太上道德經淺註三卷  
呂祖降筆  
清刻本

..... 一

..... 三九

..... 三〇六

..... 三六六

..... 四二一

..... 五〇六

..... 六三四

..... 六五六

呂祖乩壇降筆

清乾隆三十年版

呂祖忠孝誥醒心經七卷

呂祖忠孝誥醒心經

唐呂純陽祖師

忠孝誥醒心經

乾隆三十三年新鑄

一世所傳呂祖圖像不一  
演忠孝誥時曾經自寫  
天空道貌望之儼然非世  
間丹青所能狀故照刊之

板藏東街口  
未鐘鳴刻坊



像圖



呂祖忠孝誥

目錄

桂香殿奏善仙卿忠孝誥序

正陽帝君忠孝誥序

忠孝誥總論

忠誥上卷文

諸忠神聖號 并讚

忠誥中卷文

忠孝誥目錄

諸忠神聖號

忠誥下卷文

諸忠神聖號

呂祖忠孝誥

重刻忠孝誥序

宇宙間可以感天地格神明令見者敬聞者慕名  
萬古而不朽者曰忠臣曰孝子耳然忠而不誠是  
謂偽忠孝而不誠是謂偽孝去偽求純以誠為至  
蓋誠則篤篤則純不見為忠在在皆忠不見為孝  
在在皆孝大哉孚佑帝君忠孝寶誥一書言言玉  
律字字金科自舜文周孔四聖人而下大忠若而  
神至孝若而神列其名號讚其實行無非為天下  
萬世勉其忠孝也即無非為天下萬世防其不忠  
孝也蓋天下萬世之人皆秉天地正氣以生靈異  
萬類所宜保合各正側身修行於君則忠心心報  
國於親則孝念念承權而且兢兢乎不忠之非孝  
也屢屢乎移孝以作忠也進思退思而忠不自覺  
明天察地而孝不自知斯乃純哉其忠純哉其孝  
名當時而傳後世誰不曰某某忠臣某某孝子耶



今姚子方昇請刊行世。呂祖親降寶壇用伸嘉勉。時蒙呂祖並蘇真同賜臨覽。蔣子正校又以序請於上許之。以命余書。余喜祖教之盛於此也。喜諸子存心立行之以忠孝自期也。故刊行訓世。廣為傳播。有如姚子善不獨善多方引人。有如蔣子二子奉教之心。其殆誠而篤矣。請刊請序。此語以行。果有虔誦敬禮之士。宣揚於口。領悟於心。身體之。力行之。勿隣僞忠。勿涉僞孝。各自奮勉。抵於純誠。則生為忠孝完人。歿為忠孝名神。有不感天地格神明於宇宙間者。余未之前聞。桂香殿外奏宣天下善冊大御史大仙卿史大成敬序。

呂祖三書忠孝諸序

二

正陽帝君太上漢鍾離道祖書

忠孝諸序

天地一大蘊廬也。宇宙一大劇場也。山川嶽瀆一大鋪張也。日月雲霞一大景色也。鳥獸草木一大粧點也。人處其中。生死壽夭。富貴貧賤。吉凶悔吝。妻財子祿。一大夢幻也。古往今來。歷年千百。寒暑推移。少壯老死。一大瞬息也。然數窮則變。德厚則悠。名節完人。雖死猶生。即天地混沌。日月晦明。山川崩竭。草木萎榮。而至德所昭。大義所著。歷百千萬劫。亦永存而不替者。娑婆世界。人事茫茫。苦海無邊。衆生碌碌。或矢志空虛。置身於沙漠之鄉。或矯情干譽。居然為學道之人。無父無君。不忠不孝。甚而似是而非。猶豫於中以刻薄為嚴明。以迂愚為忠厚。滾滾紅塵。相胥陷溺。昏昏習俗。共墮輪迴。吾友。純陽子。念世教之衰微。憫蒼生之矇昧。特揭忠孝。以正人心。奏准頒行。廣佈人間。其立言本意。必酌精忠純篤。至孝無忝者。方得

入誥如少有瑕疵則不與焉。所作忠誥七十二位。孝誥三十六位。凡六卷。每卷俱有發明。此皆人世所共見共聞。彰明較著者。其餘事跡隱晦。出處罕知。皆不悉贅。以是而知超凡入聖。成佛登仙。莫不由於倫紀綱常之際。以爲進德修業之基也。其有裨於世道人心。豈淺鮮哉。是爲序。

忠孝誥序

四

忠孝誥總論

純陽子曰。混沌之初。未有物。先有道。既有道。卽有物。道無形。物有形。有形之物。必載無形之道。何物無道。何道離物。因物命名。因名思義。因義知道。名歸物。物歸義。義歸道。無名天地之始。有名萬物之母。合而言之。何物。何名。何義。總括之曰。道。無道卽無物。無物卽無名。無名卽無義。道也者。在天地未生之前。卽在天地既生之後。道亦一物也。天地亦一物也。萬物總一

忠孝誥總論

五

物也。一物分萬物也。洪荒初闢。天地生而萬物生。萬物生而人最靈。故易曰。有天地然後有萬物。有萬物然後有男女。有男女然後有夫婦。有夫婦然後有父子。有父子然後有君臣。有父子君臣。然後有忠孝之名。蓋人未生之前。漠然無朕。而道在於天地。人既生之後。秉氣成形。而道卽蘊於性中。是天地之道。俱在於人身。無有參差偏漏。無有阻礙間斷。舉一身之心。思耳目手足鼻息。脈絡筋骨。無非是道。宰於心而發。

於意發於意而形於事本身一天地也。天地一太極也。太極一無極也。於以知道中不止於忠孝而忠孝爲行道之始。孝又爲忠之始。忠孝之德自賦質之時。蚤已具於性中。宜人人爲孝子。爲忠臣。人人爲孝子。則世永無忤逆之事。人人爲忠臣。則世永無反亂之日。乃天運不常。人心多故。胞胎之時。忠孝之心。渾然焉。嬰孩之時。忠孝之心。油然而焉。及長而嗜慾惑其心。妻子變其心。財帛搖其心。爵祿動其心。得失橫其心。

忠孝誥總論

六

利害間其心。而忠孝之良能。已盡失其本來矣。使予今日。欲世人生而爲忠臣。孝子則難。勸世人學而爲忠臣。孝子則易。至於學之之法。當讀書以明其理。持敬以養其心。積誠以動其意。舉念以察其私。獨行獨寢。如君親之臨也。一行一動。如君親之訓也。入而家庭。出而朝廷。竭其力。而不敢自以爲孝。人自稱其孝。致其身。而不敢自以爲忠。人自稱其忠。然忠孝未有不相因者。古云。求忠臣於孝子之門。能孝卽能忠。能

忠必先孝。雖成名各有不同。或以忠顯。或以孝顯。要其理則一也。故純忠純孝。非生知聖人不能。而大忠至孝。智愚皆可勉至。所謂純者。全體大德。至精至微。無絲毫間議。天地以道付我。我卽以道全還於天地。天地且賴其參贊。化育其殆聖之神乎。所謂大與至者。就其大段而言。忠行孝德。膾炙人口。天地以道付我。我無愧於天地之道。且有功於綱常名教。其殆賢人以上者乎。神聖不可妄希。賢哲宜爲效法。庸常之

忠孝誥總論

七

道。功不求之遠。而求之近。事不取之難。而取之易。同爲天地所生之人。彼則神靈千古。已則湮沒無聞。於此當大加猛進。欣然改過。每見世之人。學佛學仙。發心發願。苦加修行。一念之不忠。孝仙佛卽時棄絕。妄廢其功。蓋古今無不忠孝之神仙。無不忠孝之佛祖。仙佛必自忠孝中來。木有根。水有源。離忠離孝。非佛非仙。余特爲世人指出。忠孝之至。可以格天地。可以泣鬼神。可以動風雷。可以致雨雪。可以蹈江河。可以

飲雪似嘗湯。吞穗如食象。單于不久留。天子得帛。

雁

營平侯趙充國大忠神

總三軍。智勇聞。塞下粟。莫如屯。

魏里令朱雲大忠神

檻可折。佞臣之頭不可留。下從龍逢比干遊。

司隸鮑宣大忠神

慷慨陳言。髡鉗至寃。誰救司隸。來集此旛。

忠誥上卷

五

東郡太守翟義大忠神

戰而勝。漢之福。戰不勝。死瞑目。食君之祿。毋得縮。

忠侯馬援大忠神

老將征蠻。生度鬼門關。銅柱勳高不可攀。

定遠侯班超大忠神

玉門關。玉門關。投筆封侯。幾時還。

東郡太守臧洪大忠神

徒跣請兵。與洪同死。不與將軍生。

北海太守孔融大忠神

北海牧電如目。當時事盡堪哭。寧為漢死。羞為曹

僕

武侯諸葛孔明大忠神

操如鬼。公似龍。二十八縮列心胸。七擒六出少追

踪

壽亭侯關羽大忠神

讀春秋秉燭。妨嫌大節留。桃園不似舊。空留遺恨

忠誥上卷

六

滿荊州

征南大將軍羊祜大忠神

緩帶輕裘。名士風流。

彭澤令陶潛大忠神

五柳先生。東籬花發。一壺傾。處士墓。表晉名。

平章事褚遂良大忠神

撲殺此獠。佳兒佳婦。恨難消。當年顧命。不終要。血

淚灑天朝。

梁公狄仁傑大忠神

后而帝古今稀。博陸一局賭朝衣。片語轉危機。堂  
堂宰相正邦畿。

始興文獻公張九齡大忠神

文章事業一人足。特上千秋金鑑錄。曲江風度何  
人續。

廣川都督宋璟大忠神

鐵石心腸。賦得梅花滿鼻香。

忠誥上卷

七

鄴侯李泌大忠神

懶殘懶殘。十年宰相令人寒。夜深明月冷蒲團。白  
衣去。紫衣還。

汾陽王郭子儀大忠神

用爾誠去爾智。赴虜止單騎。

睢陽張巡大忠神

睢陽睢陽。士卒無糧。羅雀雀盡。殺妾妾亡。死為厲  
鬼。制賊猖狂。

睢陽南霽雲大忠神

斷指請兵。愧殺進明。男兒仗義。視死如生。

忠節公顏杲卿大忠神

牧羊奴。犯西都。十七郡。應聲呼。

魯公顏真卿大忠神

魂何處招。

忠烈公段秀實大忠神

六

忠誥上卷

仗忠節。心如鐵。笏擊賊。頭顱血。謀不成。今臣命絕。  
文公韓愈大忠神

一封章。貶潮陽。霧開光。鯉潛藏。藍關上。費思量。

晉公裴度大忠神

破蔡功奇。撫蔡心慈。勳高華夏。名播外彝。

宛平劉蕡大忠神

宦寺廢君如逐鹿。一字還當一痛哭。直言下第不  
須愁。滿朝卿相抱頭縮。

韓國公富弼大忠神

兩國名一字爭使臣膽犬宋聲。

萊國忠愍公寇準大忠神

立功難立功難。功成謗起令人寒。雷州猶有寇公屋。滿目森森圍綠竹。百姓過之俱一哭。

魏國忠獻公韓琦大忠神

立二帝。相三朝。寒西賊。阻青苗。事業昭。

潞國忠獻公文彥博大忠神

忠譜上卷

九

白髮蕭蕭執紀綱。恩隆十日詣都堂。文盡職。武安

疆。西海春風到處揚。

河內公司馬光大忠神

生平無事不堪傳。走卒兒童識大賢。一自宣仁晏駕後。黨人碑樹淚涓涓。

汝南文正公范仲淹大忠神

一家哭。一路哭。貪吏終朝剝人肉。甲兵滿腹西賊聞之心膽縮。

叅知政事唐介大忠神

仗忠信。任風波。彈章不厭多。骨鯁任君磨。

清獻公趙抃大忠神

鐵面御史花廳至。止一琴一鶴。清心如

開封守包拯大忠神

銅肝鐵膽不容情。一笑黃河清。

隴西公李綱大忠神

虜騎橫。薄西城。書生無奈領殘兵。孤忠奮激調度

忠譜上卷

十

分明

太學生陳東大忠神

上書不止成仁而死。從容就市。烈哉君子。忠臣含淚奸臣喜。

副元帥宗澤大忠神

心勤帝室。眼識英雄。

崇正殿學士王安國大忠神

青苗錢。四海顛。兄執拗。弟稱賢。拗與賢。萬古傳。

徽猷閣學士洪皓大忠神

冷山冷山。白首而還。

豐國公趙鼎大忠神

身騎箕尾歸天上。氣作山河壯本朝。壯本朝。愧同僚。有日裏。殄鴟鴞。

學士虞允文大忠神

采石磯頭志氣高。大功勞。大功勞。書生不著戰時袍。羞殺將軍掛大刀。

忠誥上卷

辛

忠簡公胡銓大忠神

檜議可成。檜肉可烹。小朝廷。寧蹈海死。羞作卿。

烈士施全大忠神

拋一身。乾坤冤氣盡。皆伸事不成。英魂留得作忠神。休疑聶政一流人。

文公朱熹大忠神

古之文。秦始皇。古之教。漢帝分。三代而後一聖人。講學東南得道真。正心誠意動君民。

江西招討使謝枋得大忠神

賣卜賣卜。世人漸熟。懇勤聊作一書復。留得丹心青史讀。

忠節公李芾大忠神

號飲度殘更。血淚無聲。潭城外。殺氣橫。臣力已竭。臣心已明。

越國公張世傑大忠臣

一君立一君亡。天厭趙兮颺風揚。上達臣心一瓣

忠誥上卷

辛

香

左丞相陸秀夫大忠神

一塊肉。不得復。海水滔滔與君宿。千古興亡何代無。元人歡喜宋人哭。

信國公文天祥大忠神

餓不死。奔千里。十七史。何處起。曰成仁。素所履。

幽國公余闕大忠神

註周易。談軍事。翩翩良將國所器。守孤臣。賊兵熾。

一家死義生平志。

學士方孝孺大忠神

木末亭忠魂號哭暗星辰。九族是何人空留白骨

委江濱。

兵部車駕司楊繼盛大忠神

九死一生。忠心未泯。五奸十罪。惡狀難形。

聖教得統。大忠至孝。光明通顯。靈應少保。樞密副使。

武昌武穆岳公。護善大天尊。

忠誥上卷。

五

末運挺生忠。孝性成。勦除積寇。威振金城。雄如兀  
尤。聞名即驚。請命終喪。目幾失明。帝曰戒酒。遂絕  
兇觥。軍來仙鎮。義勇俱盟。黃龍寨裏。指日稱平。金  
牌忽下。馬首淚傾。天地變色。奸諛可烹。風波亭上  
草木無情。魂遊天府。上帝鑒誠。神靈宇宙。萬古佳  
聲。

忠誥上卷終

忠誥中卷

純陽子曰。生為名臣。死為名神。臣不易名。神不易名。  
世人昏昏。不察其真。天地之間。孰為重。人為重。人之  
中。孰為尊。君為尊。君之下。孰為貴。臣為貴。臣之內。孰  
為美。忠為美。世人有言。願為良臣。不願為忠臣。此即  
道中門外漢。此即道中瞌睡翁。何知有良。何知有忠。  
逢堯舜之時。皐夔稷契。良臣也。逢桀紂之時。龍逢比  
干。忠臣也。龍逢比干。處堯舜之世。亦願為良臣。皐夔

忠誥中卷

五

稷契。處桀紂之時。亦不得不為忠臣。所謂忠者。誠一  
無欺。盡心竭力。敬事後食。坐鎮朝端。大節不撓。小行  
必謹。至於臨難死義。不事二君。乃天地大道。人生至  
性。譬如女子。夫死重嫁。承一夫顏色。復承一夫顏色。  
回憶前情。稍有烈氣者。豈不羞殺。是知馮道。蘇循之  
流。乃畜類同歸。雖位至卿相。祿享千鍾。乞人不屑。何  
況於有志氣者。故可以經綸廊廟。致治清明者。即可  
以犯顏敢諍。捍禦封疆。視死如生。為忠為良。易地皆



然特時數不同。遇主有異。世人莫作兩般看。莫作難易想。幸而太平無事。主聖臣良。景星慶雲。昭其應。嘉禾瑞麥。致其祥。是先帝之靈。蒼生之福。社稷之長。爲臣而享富貴榮華。遇也。不幸而君驕臣諛。誅戮賢良。煩擾海內。奸雄草寇。竊據一方。地震山崩。時逢災變。是上天之怒。蒼生之災。社稷之促。爲臣而困苦患難。盡節以終。分也。知遇與分之所在。則不怨於天。不尤于人。盡已之心。聽天之命而已。余每讀史看歷代以

忠誥中卷

美

來有獲忠良之名。而究無忠良之實者。有二。有先事一君。不見其忠。繼事一君。方見其忠者。亦有二。余今爲世人拈出一則。翹君之過。以沽直名。多刻諫草。以傳子孫。一則生平奸回。敗國之事。臨難死節。以蓋前愆。此有忠之名。究無忠之實也。一則待之薄者。以薄報之。待之厚者。以厚報之。一則重惜其死。甚愛其才。另結英君。以盡其職。此一君不見其忠。一君方顯其忠也。然此四者。余雖拈出。世人亦不可輕略。彼其人

殊有可憐憫之處。比於純忠大忠者。則不能較於不忠不良者。則遠勝。今世人既立心爲忠臣。則當取純忠大忠者。以爲模範。不可錯認優孟衣冠。作孫叔敖可也。抑忠不必於大處觀之。正於小處觀之。不必於人知見之。正於不知見之。小事盡則大事無。不盡不求。知而人自知。然小者非小忠之謂。不知者非淡漠之謂。一事之舉必勤。一言之發必誠。如陶侃之運甓齋頭。程頤之折柳必諫。此其小者也。然小事如此。大

忠誥中卷

美

事可知。夙夜小心。無慚屋漏。如趙盾之食魚。餐楊震之辭暮金。此不求人知者也。然誠於內者。必形於外。辦忠至此。則知生爲名臣。死爲名神。非一事可假。一朝可至。世之人當油然而思。恍然悟。而知人之重。君之尊。臣之貴。忠之美矣。純陽子說忠誥中卷畢

虔誦有請衆忠神來臨曰 志心朝禮 凡三拜  
旋乾轉坤。純忠純孝。揖讓大德。神聖有虞。大舜帝無極至尊。